



Anthon Frederiksen
Inatsisartuni ilaasortaq

E-mail-ikkut nassiunneqarpoq

**Tasersiami erngup nukinganik nukissiummik pilersitsisoqarsinnaaneranut
aningsartuutissat pillugit apeqquumut nr. 047-mut akissut.**

24-02-2016
Sags nr. 2016 - 2764

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Inatsisartut suleriaasianni § 37, imm. 1 naapertorlugu Naalakkersuisunut apeqquaqarputit Tasersiami erngup nukinganik nukissiummik pilersitsilluni iluaquteqarneq qanoq aningsartuutaassanersoq pillugu. Apeqqutitut uanga suliasaqarfinnut akisassanngorlugit innersuunneqarput.

Naalakkersuisunut apeqqutit:

1. **Tasersiami erngup nukinganik nukissiummik pilersitsisoqarsinnaanera inuiaqatigiinnut qanoq aningsartuuteqarfiusinnaava?**

Akissut:

Nukissiorfiit Kalaallit Nunaanni erngup nukinganit nukissiorfiliorsinnaaner-
mut takussutissiaanni 2005-imi Nukissiorfinniit nalileqarneqarpoq Tasersia-
mi nukissiorfiliorneq 2,982 mia. kr.-it missaannik akeqassasoq. Tasersiami
nukissiorfiliorneq erngup nukinganit nukissiorfiliassat aluminiuliornermut
atorneqartussat marluusussat aapparaat. Aluminiuliorfimmu tamarmiusu-
mut aningsartuutissat, erngup nukinganit nukissiorfinnik marlunnik piler-
suisulik, innaallagissap aqputai, aluminiumut aatitsivik aamma allatigut
attaveqaasersorneq taamani naatsorsorneqarpoq 20-25 mia. kr.-it
missaannik akeqartussatut, taakkunanngalu 10 mia. kr.-it missaat erngup
nukinganut innaallagissap aqputai ilanngullugit.

2. **Erngup nukinganik apeqquut 1-imi taaneqartumi nukissiuuteqarlersin-
naanerup pilersaarusiornissaa qanoq akeqarsinnaava?**

Akissut:

Aningsartuutissani apeqquutaassaaq innaallagissap aqputai sumut
ingerlasuussanersut. Innaallagissap aqputaasa ingerlavissaat aluminiumi-
liorfissamut pilersaarutaagaluartutut naatsorsuukkaanni taava aningaa-
sartuutit tamarmiusut ingerlaqqilluni pilersaarusiornissamut Alcoa-mit
2010-mi nalilerneqarput 100 mio. kr.-it missaanniissasut.

3. **Erngup nukinganik apeqquut 1-imi pilersitsisinnaanermut atatillugu, nukik pilersinneqarsinnaasoq nunatsinniit avammut niuerutigineqarsinnaanera Naalakkersuisunit qanoq isumaqarfigineqarpa?**

Akissut:

Naalakkersuisut isumagaat pingaaruteqartoq aqqutsissanik arlaqarnerusunik ineriartortitsinissaq, inuussutissarsiornikkut pitsaasumik ineriartortitsisagaanni. Tassani nunatsinni erngup nukinganit nukissiuusiornissamut periarfissat isiginiagassat ilagilluinnarpaat. Anguniagaq tassaavoq taakkua siunissami aningaasarsiornikkut suliffissanillu nutaanik nunatsinni pilersitsiortormermut iluaqutaallutik pitsaasumik ineriartornissamut tapertaanissaat.

Taamaattumik sulissutigineqarput nukissiuutitik annertuunik atuisunik suliffissuarnik ingerlatsinermut iluaquteqarsinnaanermut allaaserisat. Suliassanut taakkununga allaaserisat aningaasaliisinnaasutut periarfissanut tuniniarneqarumaarput. Anguniagaq tassaavoq namminersortut aningaasaliinerisigut suliffissuaqarnikkut inuussutissarsiutitik nukissiuutitik annertuunik atuisumik atuisunilluunniit nunatsinni erngup nukinganit nukissiuutaasinnaasutut atortulinnik pilersitsisoqarsinnaanera.

Nukimmik angisuumik atuisartutut suliffissuartut assersuutigineqarsinnaapput qarasaasianut qitiusumik ingerlatsiviit, - datacentre, - aluminiumut aatitsiviit aamma saviminissamut suliffissuit. Naalakkersuisut isumaat tassaavoq erngup nukinganit nukissiuummeersumik innaallagissamik tuniniaaneq aamma periarfissaasoq, taannali teknologimik naammattumik ineriartortitsisimanermik piumasaqaatitaqarluni, innaallagissamik aqqutit takisuut atorlugit nunanut inuppassualinnut, soorlu Amerikamut avannarlermut assartuisinnaanermik.

4. **Apeqquut 1-imi erngup nukinganik pilersitsisinnaaneq inuiaqatigiinnut aningaasaqarnikkut, suliffissaqartitsinikkut avammullu niuernermut qanoq sunniteqarsinnaanersoq Naalakkersuisunit qanoq takorloorneqarpa?**

Akissut:

Naalakkersuisut takorluugaat tassaavoq ataatsimut erngup nukinganik iluaquteqarluni periarfissat aningaasarsiornikkut ineriartormermik suliffissaqartitsinermillu pilersitsinissaat. Nukissiuummik mingutsitsinngitsumik, piujuartumillu iluaquteqarneq pilersinneranut tunngaviusumik appasissumik aningaasartuuteqarfiusussaavoq.

Periarfissaq taanna nunatsinnut soqutigintartunik pilersitsisussaavoq minnerunngitsumik ullutsinni avatangiisit isiginiarneqarfigisaanni.

Naalakkersuisut suliamik ingerlatsipput, nukissiuutini periarfissat suliffissuaqarnikkut iluaqutaasinnaasut nunani allamiunut aningaasaliisartunut soqutigineqalersissinnaanerannik imaqartumik, taamaaliornikkut nunatsinnut suliffissanik pilersitsisinnaajumalluta, aningaasarsiornikkut siuariartornissamut annertusiartortitsinissamullu periarfissat saniatigut.

5. Apeqqut 1-imi eqqartorneqartut, siusinnerusukkullu aluminiumiliorfissamik pilersaarutaasimangaluartumi piareersaatit pigineqareersut qanoq atorluarneqarsinnaappat?

Akissut:

Misissuinerit maanna suliaalersumut atorneqarsinnaanerannut periarfissami apeqqutaassaaq innaallagissap aqputai siaarneqartussat aluminiumiliorfiliartussaagaluit assigissaneraat, takuuk apeqqummut 2-mut akissut. Innaallagissap aqputissaasa pilersaarusiorneqarnerisa saniatigut aamma erngup nukissiorfimmi atorneqartussap nukissiuutitut annertussusianik nalilersuinerit ilaapput, aammalu sumiiffimmi pinngortitamut tunngasumik pissutsit. Paasissutissallu taamaattut annertuumik suliniutini allani aamma atorneqarsinnaalluarpot.

Inussiarnersumik inuulluaqqusillunga

Med venlig hilsen


Vittus Qujaukitsoq